



EXAMINATIONS COUNCIL OF ESWATINI
Eswatini General Certificate of Secondary Education

CANDIDATE
NAME

--

CENTRE
NUMBER

--	--	--	--	--

CANDIDATE
NUMBER

--	--	--	--

FIRST LANGUAGE SISWATI

6870/02

Paper 2 Reading and Directed Writing

October/November 2025

2 hours

Candidates answer on the Question Paper.

No additional materials are required.

READ THESE INSTRUCTIONS FIRST

Write your name, centre number and candidate number in the spaces provided.

Write in dark blue or black pen.

Do not use staples, paper clips, glue or correction fluid.

Answer **all** questions.

The number of marks is given in brackets [] at the end of each question or part question.

For Examiner's Use	
Umbuto 1	
Umbuto 2	
Umbuto 3	
Umbuto 4	
Sekukonkhe	

This document consists of **13** printed pages and **3** blank pages.

SICEPHU A

Sivisiso 1

Fundza lendzaba bese uphendvula Umbuto 1 (a) – (f)

EKHAYA KUSEKHAYA

Ngaphaphama igabence insimbi yesihlanu. Kwatsatsa umzuzwana kukhumbula kutsi ngikuphi. Ngamangala kutsi sekusile njalo, noko umtimba wami bewungakuva kudzinwa noma ngilele ema-awa lambalwa. Kumbe kwentiwa kulala endlini kagogo ngemukelwe kahle bakitsi emva kweminyaka lelishumi nesihlanu ngahamba ngekufundza nangekusebenta emaveni. Kunyenti lokwakuphambana engcondvweni yami njengobe bengifike sekuhwalala kwaba kuncane lengikubonako. Ngangilangatelela kubona indzawo yakitsi lengikhulele kuyo kutsi ingabe seyaba njani.

“Hawu! Mafulela, sewuvukile Ndzinisa,” asho make sakungivela kutsi angikaphumuli kahle. “Mine bengitsi utawulala lilanga lonkhe emva kweluhambo loludze ngaletindizamshini tenu.” Ngamtjela make kutsi bekungalaleki, bekungatsi ngiyabudza kutsi ngisemabaleneni aketfu emva kweminyaka lengaka! Kwakumnandzi kutsi ngifike catsatsa. “BoMzomba, boNyamatane, Lubheje lubovu lwaboTfunyiswako, boMafulela, sengikhona mine indvodzana yenu.” Ngasho ngimandzatela.

“Yeyi wena, ungangikhumbuti uyihlo asatilalela, awukhohlwa!” Asho make ema angibukisisa amamatseka. “Ngingakhohlwa ngitsini-nje Mgabadzeli? Ngangimuva atisho aphindze agambute netakini kaDladla.” Sachubeka sacoca lite namake. Ngase ngicela kwelula tinyawo ngike ngibuke tiganga sengibone nemvelo lokuyintfo leyindlala kulela laseCanada ngekwenganywa takhiwo **letifika emazulwini**. Bengifisa kutsi sengike ngive kuhokoma kwemifula netihosha, ngilalele kuntjilota kwetinyoni nekubhonsa kwetinkhomo.

“Uyangihlalela wena. Ungafuna letintfo bantfwana banyalo labatibalekelako bayohlala emadolobheni? Ingani seswela ngisho belusi muva nje, kuze kugcine kutsengiswe yona lemfuyo ngendzaba yekutsi lemisebenti yetfu yasemakhaya batsi imatima, iyagugisana. Nami nje ngentiwa kutsandza kufuya futsi kuyangivuma. Angilicabangi lelikhaya lingenasibaya, uze weswele nemcuba wekunonga emasimini.” Sewuhleli phansi make nemshanyelo wakhe wasebaleni. “Bentiwa kungati yemake kutsi akusiko konkhe lokutfolakala edolobheni.”

Ngaphuma ngeligede ngalandzela indlela leyehlela emfuleni. Ngalibuka likhaya lakitsi ngeva ngijabula ngetakhiwo letinhle kusukela endlini lenkhulu kuya elawini lami nendlu yakagogo. Lokunyenti bekwakhiwe ngemali bengiyitfumela ngikhona le emaveni. Sekunemiti leminyentana leseiyibomakhelwane betfu. Nemanti kuyabonakala kutsi angena ekhatsi emabaleneni. Sebaphumula kufusha emabhala bayokhelela lephansi emfuleni nakhona kubangiswane netifuyo.

Ngabona nebafundzi seabekhelele baya etikolweni. Ngababona ngetembatfo tesikolwa lesikhulu nalesincane lengafundza kuto. Bebakhona nalabanye labagcoke tembatfo tetikolwa lengingatati basho kutsi bafundza edolobheni. Ewu! Sekunebantfwana labagibela kusuka lapha baye edolobheni? Wawungeke ukubone loko ngesikhatsi setfu, ingabe bewungafika ngani loku ibhasi yekucala beyendlula ngensimbi yesiphohlongo ekuseni. Lobekafundza edolobheni bekavele ahlala khona noma ehositeli.

Ngehlela emfuleni, Luphiko, ngakhumula ticatfulo **ngaklabhuta**, ngeva kungatsi lamanti angena ematsanjeni. Ngakhumbula ngewela lomfula netinkhomo tiya emadelweni noma nangiya esikolweni. Bekwenteka uma line kakhulu kungeweledi ngekugcwala, nyalo sekwakhiwe libhuloho letinyawo kepha kwatsi cosololo nangewela ekhatsi emantini.

Ngenyuka ngate ngefika esicongweni sentsaba, Phuphu, sengibona kahle nyalo tinkhalo tangakitsi. Sekutse phihli imiti kulesigodzi. Lapho kwakutiganga khona kunetakhiwo lesetivutsiwe impela letingesilo lulala. Sewungaphika kutsi bekunemasimu, ingabe sebaphila kanjani bantfu kungasalinywa ummbila? Kambe ngabe bonkhe basebenta emadolobheni? Sikolwa sami lesikhulu ngisibona kahle uma ngilapha,

sesakhula ngetakhiwo netindlu letihlala bothishela. Hha! Hamba minyaka, nawaya emakhumbi ehlisa bantfwana egedeni lesikolwa. Kuhle-ke kodvwa nangabe indzawo yakitsi ingakasaleli emuva.

Ngatenetisa ngebuhle bendzawo yangakitsi, ngajika ngabuyela ekhaya ngefika nganatsa lijingi. Kunukelela kwalo kwabuyisa imicabango lemhle yenkhumbulo yekukhula kwami. Ngatsi nangidvumisa kumake ngemanti netindlela tekugaya lesetilula, wavele-nje wabipha. Wakhonona kutsi lokuba lula kwekwenteka kwetintfo sekubange kungatfumeki kulabanye bantfwana nekwandza kwetigejana letehlala tenyuka ungaboni kutsi tentani. Washo nekusho kutsi abaselusi, abagayi, abatfoti futsi abasawakhi nemanti, ngiko-ke banesikhatsi sekucabanga kuganga. Watsi simo sekwandza kwebucala sesibange kutsi kwakhiwe siteshi lesincane semaphoyisa kwetama kulwa netento tebucala letase tivamile.

Ngatitjela kutsi kunyenti lengisetakubona kuletinsuku letitako ngiselapha ekhaya. Dzadzewetfu lomkhulu abetawufika ngakusasa kutolungiselela lidzili lekubonga kuba khona kwami, kanjalo nabo-anti kanye namalume bebatawufika ngemphelasontfo. Ngiyetsemba nekutsi ngitababona bontsangayetfu labadvute nalabakhashane. Ingabe sebatsetse yini boMdumiseni? Awu! Abafike sitotihhehla.

Imibuto

- 1 (a) Endzimeni yekucala khipha umushwana lokhombisa kutsi umbhali uyakholelwa kulabaphansi.

.....
 [1]

- (b) Enkhulumeni yaLaDladla, kuyavela kutsi kumnandzi kubongwa. Sekela ngeliphuzu **linye**.

.....

 [2]

- (c) Chaza kutsi yini leyenta lococako asheshe avuke ngisho adziniwe.

.....

 [2]

- (d) Indlela yekubuka tintfo iyehluka kulabadzala nakulabasha. Sekela lombono ngeliphuzu **linye** ususele esivisisweni.

.....

 [2]

(e) Chaza lamagama njengobe asetjentiswe endzabeni:

(i) **letifika emazulwini** (indzima 3)

.....

.....

.....

..... [2]

(ii) **ngaklabhuta** (indzima 7)

.....

.....

.....

..... [2]

(f) Kuhamba kwemuntfu ayohlala emaveni sikhatsi lesidze kuyayishintja indlela labuka ngayo tintfo. Hlolisisa lombono uvete tinhlangotsi **totimbili** ngalokuvela esivisisweni.

.....

.....

.....

.....

.....

.....

.....

..... [4]

[Sekukonkhe: 15]

Sivisiso 2

Fundza lencwadzi bese uphendvula imibuto **2(a) na (b)**.

12 Kholwane 2025

Donda

Ngiyabonga mntfwana-anti incwadzi longibhalele yona. Ngiyasiva nesicelo sakho sekutsi ngikucatsatele teluleko ngalesikhundla lesewenyukele kuso sekuba ngumphatsi wesikolwa.

Angicale ngekukuhalisela Donda kutsi ube yinhloko yesikolwa lesikhulu kangaka, i-Tsembelani. Ngiyakuva nalokutsi utibona umncane ngeminyaka kuhola sikolwa lesinemlandvo lomuhle kangaka. Ngitawuhamba esishweni semaSwati mzala lesitsi budvodza abukhulelwa. Kuhola bantfu akuyi ngebudzala kodvwa kuya ngekutsi ubaphetse kanjani. Bakhona bantfu labadzala labenta tintfo njengebantfwana. Tetsembe kutsi Umdali nebacashi bakho kukhona labakubonile kuwe lokungakabonakali kulabo bewucudzelene nabo. Utawumangala nawe nasewetayeke kutsi kantsi bewesaba libutela nje. Naleminyaka lelishumi ulisekela lemphatsi esikolweni lesiphakeme eKhulani itakusita kutsi wakhele kulokwakukuhle, bese ugwema tintfo lewatibona kutsi tikudvonsela emuva kuphumelela kwesikolwa.

Mzala, buholi abucale kuwe. Ngeke uhole bantfu ungati wena kutsi uyaphi ngako-ke akukhanye bha lokuliphupho lakho ngalesikolwa kute ukhone kulitsengisela labanye. Loku kutawusita ekutseni leliphupho lakho ligcine selilawo wonkhe umuntfu losebenta kulesikolwa. Uma ufise imphumelelo, yati kahle kutsi luhlobo luni lwayo njengobe utabe usebenta netinhlobo letehlukene tebantfu nematiko lehlukene ahulumende. Nangabe imphumelelo itsintsa batali, kumele utibute kutsi ibatsintsa kanjani, kufanele beme kuphi kulesitfombe kute babe neligalelo lelilonakalako? Uma ufise kutfutukisa takhiwo, loku kudzinga imali hhayi kudlala. Uyamdzinga umtali wemfundzi kutsi akholelwe ephusheni lakho kute asekele ngemali.

Khumbula-ke kutsi utawube usebenta nelitsimba labothishela labenetimilo letehlukahlukene, labanye badzala ngisho kunawe ngeminyaka. Lowo nalowo mnike inhlonipho yekutsi ungumuntfu. Yendlula unake emakhono akhe lanawo lowo thishela. Ukhona lonelikhono kutemidlalo, kutekukhulumisa bafundzi nakutenhlalakahle esikolweni. Mnike lowo thishela lilungelo lekusebentisa lelo khono lakhe ekutfutukiseni sikolwa. Akusho-ke loko kutsi sewuphetse wena kodvwa usekela wena kulamasondvo enyatsi lowatfwele. Ngiko phela angeke ente tintfo leningakavumelani ngato kutsi titakwenteka kanjani, nini futsi. Uma sekwentekile lowo thishela wenta leningakavumelani ngako, mkhulumise kahle umuve kutsi titsini tizatfu takhe. Ngiyacela-ke mzala ugweme kuba netigejana losebenta nato ushiye labanye ngephandle. Wena ulingisa umcecheshi webhola, kufanele ulati lelicembu lakho kutsi mawubophele kanje nitawulishaya ligoli. Bakhona-ke ecenjini labangadlali kodvwa basita kubuka kutsi licembu lifa lapha nalapha bese kuyalungiswa-ke loko.

Akungenteki-ke mzala usebente tindzaba tesikolwa ngaphandle kwekwati yonkhe imitsetfo yekuphatsa sikolwa nekusebenta kwematiko ahulumende. Imitsetfo ibhalwa phansi ichaze kahle kutsi naku lokubhekekile kusuka ekubhaliseni umfundzi, kubhadalwa nekuphatfwa kwetimali kanye nekutisebentisa. Iyakhanyisa futsi imitsetfo ngekutiphatsa kwabothishela nekukhulunyiswa kwabo nasebalahle umkhondvo. Kanyenti-ke mzala kutsatseka tintfo ngekunganaki kuzulswane umphatsi nathishela, kubhalelwane tincwadzi kantsi akuhambisani nemtsetfo. Kanjalo nalamanye ematiko ahulumende kufanele uwati kutsi anemandla lafikaphi kungena etindzabeni tesikolwa.

Similo nekutiphatsa kwebafundzi kungulokunye lokusibuko sebhuli bakho. Similo siyaxhiwa mzala, asisuki sitselelwane njengemkhuhlane. Liso lakho alikhaliphe usheshe ukubone lokusihlava losekuphehla ukutsatsele tinyatselo. Bafundzi badzinga kukhonjwa indlela lengiyo, kube nemivila lebalayelwa yona yekuhamba. Khumbula kutsi ngeke sitsi hamba la, ungahambi la kodvwa sibe singati kutsi siyaphi. Ngitsi-ke mzala, bakhawuleni nibalayeke indlela leya emphumelelweni, nibacondzise babone kutsi ngeke kufikwe kulemphumelelo uma sekuphunywe endleleni. Uyabadzinga batali kukwelekelela kucondzisa bafundzi ngekubabonisa lokuhle nalokubi. Kuletinsuku kunyenti lokuphatamisa kwakheka kwesimilo kumntfwana,

ikakhulu ngoba labanye betfu tsine batali asicondzi kugucuka kwetikhatsi nendlela yekukhulisa. Solo sibambelele ekutsini mine ngakhuliswa kanje.

Atibe khona tinhlelo letisekela kufundza. Umuntfu wakhiwa tintfo letehlukene letiphilisa umtimba nengcondvo. Ngaphandle kwekubanklinkla ngetifundvo, awushukume umtimba. Ababe nayo imincintiswano yekungenela tinkhulumo letitawudzinga bente luphenyo ngetintfo letiphatselene nekuphila. Ubabitele tikhulumi letitawubakhutsatsa, tibacocela kutsi tiphumelele kanjani. Ayibe khona imidlalo letawufaka lonkhe luhlobo lwemfundzi, kungabi yibhola kuphela. Loku-ke kusho kuphuma netsekele lwati kuletinye tikolwa ngaletikwentako.

Kwetsembeka, kutitfoba nekutsandza kufundza-nje tincwadzi kuyayikhaliphisa ingcondvo, ivuleke. Utihlomise ngekufundza ngetindlela tebhuli, tinsayeya netisombululo tato. Chubeka futsi mzala wengete ticu takho tebhuli.

Sengigcina, cina ume sibindzi, yati kutsi uyaphi. Vusela LaNyamane nebantfwana. Sitawulungisa natsi sesinivakashele mzala.

Ngimi umzala wakho

Teluliwe

[10]

- Inkhulumo yakho ayibe ngemagama labalelwa ku **120–180**.

[illegible]

[Sekukonkhe: 25]

SICEPHU B: LUHLELO**Phendvula yonkhe imibuto kulesicephu.****3** Fundza lendzinyana letsetfwe **kuSivisiso 1** bese uphendvula Umbuto **3(a)**.

Ngenyuka ngate ngefika esicongweni sentsaba, Phuphu, sengibona kahle nyalo tinkhalo tangakitsi. Sekutse phihli imiti kulesigodzi. Lapho kwakutiganga khona kunetakhiwo lesetivutsiwe impela letingesilo lulala. Sewungaphika kutsi bekunemasimu, ingabe sebaphila kanjani bantfu kungasakhicitwa ummbila? Kambe ngabe bonkhe basebenta emadolobheni? Sikolwa sami lesikhulu ngisibona kahle uma ngilapha, sesakhula ngetakhiwo netindlu letihlala bothishela. Hha! Hamba minyaka, nawaya emakhumbi ehlisa bantfwana egedeni lesikolwa. Kuhle-ke kodvwa nangabe indzawo yakitsi ingakasaleli emuva.

(a) Khipha naku lokulandzelako kulendzinyana lengenhla, ukubhale:**(i)** Buniyo lobususelwe ebitweni sigaba 5 bunye

..... [1]

(ii) Libito sigaba 6 bunye

..... [1]

(iii) Sabito lesibalako

..... [1]

(iv) Imphambosi yekwentisa leyakhiwe esentweni lesicalisa ngankhamisa

..... [1]

(v) Sandziso sendzawo semvelo

..... [1]

(b) Chaza letakhi letidvwetjelwe kulemisho:**(i)** Nimtjele kutsi angiyisayifuni lemali.

.....
 [1]

(ii) Emasela atitsatsa tonkhe timphahla tami kulomnyaka lophelile.

.....
 [4]

(iii) Thoko unatsa a emanti emfula.

.....
 [1]

(c) Chaza kutsi lakhiwe kanjani lelibito lelingentasi:

sigangi

.....

.....

.....

.....

.....

.....

.....

.....

..... [4]

[Sekukonkhe: 15]

4 (a) Sebentisa ligama lonikwe lona wakhe loku lolayetwe kona:

(i) phihli – sento lesisendleleni lephocako bunyenti

.....
..... [2]

(ii) hlabela – sibaluli sigaba 1 bunye

.....
..... [2]

(iii) shaya – sicondziso lesesenteka sigaba 6 bunye kuphika.

.....
..... [2]

(b) Bhala umusho lonaloku lokulandzelako, ukudvwebele:

(i) Sandziso sesikhatsi lesikhomba sikhatsi selilanga

.....
..... [2]

(ii) Sentakutsi lesisifutamsindvo lesinelilunga linye

.....
..... [2]

(c) Hlahlela leligama lelidvwetjelwe kulomusho:

Ningibukani nine?

.....
.....
.....
.....
.....
.....
.....
..... [5]

[Sekukonkhe: 15]

